

Headline	FRIM, Perbadanan Labuan meterai kerjasama pengurusan hutan bandar dan paya		
MediaTitle	Utusan Borneo Sabah		
Date	28 Sep 2023	Color	Black/white
Section	General News	Circulation	11,223
Page No	2	Readership	33,669
Language	Malay	ArticleSize	154 cm²
Journalist	N/A	AdValue	RM 313
Frequency	Daily (EM)	PR Value	RM 939



FRIM, Perbadanan Labuan meterai kerjasama pengurusan hutan bandar dan paya laut

KUALA LUMPUR: Institut Penyelidikan Perhutani Malaysia (FRIM) dan Perbadanan Labuan memeterai memorandum persefahaman (MoU) di FRIM, Kepong pada Selasa untuk mewujudkan kerjasama dalam pengurusan hutan bandar dan hutan paya laut di Wilayah Persekutuan Labuan.

Menurut kenyataan bersama FRIM dan Perbadanan Labuan, kerjasama itu menjadikan Labuan sebagai sebuah wilayah persekutuan yang hijau, selamat, serta bestari dan dapat memanfaatkan kapakaran FRIM dalam aspek pemuliharaan kawasan hutan paya laut yang berpotensi dijadikan kawasan tarikan ekopelancongan.

“Dengan kerjasama ini, FRIM akan memberikan khidmat kepakaran teknikal dalam aspek pengurusan hutan bandar dan aborikultur termasuk penyelenggaraan pokok-pokok ameniti, landskap dan pokok teduhan pinggiran jalan,” menurut kenyataan itu.

Kenyataan media itu turut memaklumkan Perbadanan Labuan akan menambah baik aspek pengurusan dan penyelenggaraan Taman Botani Labuan iaitu antara taman botani yang tertua di Malaysia, selain memusatkan koleksi pelbagai tumbuh-tumbuhan, ia juga taman rekreasi bandaran dikunjungi pelawat.

Pada majlis itu Perbadanan Labuan diwakili oleh Ketua Pegawai Eksekutif Rithuan Mohd Ismail manakala FRIM diwakili oleh Ketua Pengarahnya Dr Ismail Parlan.

Turut hadir Timbalan Ketua Pegawai Eksekutif Perbadanan Labuan Fadzilah Mahmud, Timbalan Ketua Pengarah (Penyelidikan) FRIM Dr Norwati Muhammad, Pengarah Perhutanan dan Alam Sekitar FRIM Dr Wan Mohd Shukri Wan Ahmad, Ketua Program

Ekopelancongan dan Hutan Bandar FRIM Ahmad Azaruddin Mohd Noor, Pengarah Pejabat Penasihat Undang-Undang Perbadanan Labuan Suhaimi Sainan dan Pengarah Jabatan Perkhidmatan Perbadanan Labuan Gilbert Chin.

Rithuan dalam ucapannya berkata melalui MoU tersebut, Perbadanan Labuan berharap FRIM dapat memberikan khidmat nasihat dan kepakaran teknikal berkenaan sistem pengurusan maklumat, data dan inventori pokok ameniti lebih efisien.

Mengenai Taman Botani Labuan, beliau berharap FRIM dapat memberikan khidmat nasihat dan kepakaran teknikal bagi menambah baik Taman Botani Labuan dari segi aspek pengurusan landskap dan koleksi penanaman.

Menurut kenyataan itu bagi menjayakan kerjasama FRIM dan Perbadanan Labuan, kedua-dua pihak telah mengadakan beberapa siri perbincangan, lawatan teknikal serta tinjauan tapak bagi mengenal pasti projek yang sesuai untuk dilaksanakan.

“Selain memberi peluang kepada FRIM untuk menjalankan aktiviti penyelidikan dan pembangunan di Labuan, kerjasama ini boleh memperkuuh kapasiti FRIM dalam bidang pengurusan hutan bandar dan hutan paya laut khususnya Kinabalu,” menurut kenyataan itu.

Menurut kenyataan itu dalam usaha meningkatkan kompetensi dan kemahiran sumber manusia di Perbadanan Labuan, kerjasama ini juga akan melibatkan penganjuran program-program latihan, kursus dan bengkel terutama dalam bidang pengurusan pokok bandar, aborikultur dan penyelenggaraan landskap.
— Bernama